

**FRAMKVÆMDARREGLUGERÐ FRAMKVÆMDASTJÓRNARINNAR
(ESB) 2019/1685****2021/EES/22/07****frá 4. október 2019****um tilnefningu á tilvísunarmiðstöð Evrópusambandsins fyrir velferð dýra fyrir alifugla og önnur lítil húsdýr (*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) 2017/625 frá 15. mars 2017 um opinbert eftirlit og aðra opinbera starfsemi sem miðar að því að tryggja að lögum um matvæli og fóður og reglum um heilbrigði og velferð dýra, plöntuheilbrigði og plöntuverndarvörur sé beitt og um breytingu á reglugerðum Evrópuþingsins og ráðsins (EB) nr. 999/2001, (EB) nr. 396/2005, (EB) nr. 1069/2009, (EB) nr. 1107/2009, (ESB) nr. 1151/2012, (ESB) nr. 652/2014, (ESB) 2016/429 og (ESB) 2016/2031, reglugerðum ráðsins (EB) nr. 1/2005 og (EB) nr. 1099/2009 og tilskipunum ráðsins 98/58/EB, 1999/74/EB, 2007/43/EB, 2008/119/EB og 2008/120/EB og um niðurfellingu á reglugerðum Evrópuþingsins og ráðsins (EB) nr. 854/2004 og (EB) nr. 882/2004, tilskipunum ráðsins 89/608/EBE, 89/662/EBE, 90/425/EBE, 91/496/EBE, 96/23/EB, 96/93/EB og 97/78/EB og ákvörðun ráðsins 92/438/EBE (reglugerð um opinbert eftirlit) ⁽¹⁾, einkum 1. mgr. 95. gr.,

og að teknu tilliti til eftirfarandi:

- 1) Í framkvæmdarreglugerð framkvæmdastjórnarinnar (ESB) 2018/329 ⁽²⁾ voru samþök, sem Wageningen Livestock Research leiðir og sem samanstanda einnig af Háskólanum í Aarhus og Friedrich-Loeffler-Institute, tilnefnd sem tilvísunarmiðstöð Evrópusambandsins fyrir velferð dýra, sem ber ábyrgð á stuðningi við þverlægar aðgerðir framkvæmdastjórnarinnar og aðildarríkjanna á sviði krafna um velferð dýra, sem um getur í f-lið 2. mgr. 1. gr. reglugerðar (ESB) 2017/625. Samkvæmt verkefnunum sem sett eru fram í vinnuáætlunum tilvísunarmiðstöðva Evrópusambandsins til margra ára er lögð áhersla á velferð svína í starfsemi þessarar tilvísunarmiðstöðvar Evrópusambandsins fyrir velferð dýra.
- 2) Framkvæmdastjórnin auglýsti síðan, í samræmi við 95. gr. reglugerðar (ESB) 2017/625, opinberlega eftir tillögum um val og tilnefningu á annarri tilvísunarmiðstöð Evrópusambandsins fyrir velferð dýra sem ætti að styðja við þverlæga starfsemi framkvæmdastjórnarinnar og aðildarríkjanna í tengslum við beitingu reglna þar sem mælt er fyrir um kröfur um velferð alifugla og annarra lítilla húsdýra.
- 3) Mats- og valnefndin sem skipuð var fyrir þessa opinberu auglýsingu eftir tillögum komst að þeirri niðurstöðu að samþök, sem Agence Nationale de Sécurité Sanitaire de l'Alimentation (Frakkland) leiðir og sem samanstanda einnig af Institut de Recerca I Tecnologia Agroalimentàries (Spánn), Aarhus Universitet – Institut for Husdyrvidenskab (Danmörk), og Istituto Zooprofilattico Sperimentale della Lombardia e dell'Emilia Romagna (Ítalía), uppfylli kröfurnar sem mælt er fyrir um í 3. mgr. 95 gr. reglugerðar (ESB) 2017/625 og gætu borið ábyrgð á þeim verkefnum sem tilgreind eru í 96. gr. þeirrar reglugerðar að því er varðar alifugla og önnur lítil húsdýr.

(*) Þessi ESB-gerð birtist í Stjtið. ESB L 258, 9.10.2019, bls. 11. Hennar var getið í ákvörðun sameiginlegu EES-nefndarinnar nr. 6/2021 frá 5. febrúar 2021 um breytingu á I. viðauka (Heilbrigði dýra og plantna) við EES-samninginn (bíður birtingar).

(1) Stjtið. ESB L 95, 7.4.2017, bls. 1.

(2) Framkvæmdarreglugerð framkvæmdastjórnarinnar (ESB) 2018/329 frá 5. mars 2018 um tilnefningu á tilvísunarmiðstöð Evrópusambandsins fyrir velferð dýra (Stjtið. ESB L 63, 6.3.2018, bls. 13.)

- 4) Því ætti að tilnefna þessi samtök sem tilvísunarmiðstöð Evrópusambandsins fyrir velferð dýra, að því er varðar alifugla og önnur lítil húsdýr, sem ber ábyrgð á stuðningsverkefnum að því marki sem þau verða inni í vinnuáætlunum tilvísunarmiðstöðva Evrópusambandsins til eins árs eða margra ára. Gerð er krafa um að vinnuáætlanir til eins árs eða margra ára séu fastsettar í samræmi við markmið og forgangsverkefni viðeigandi vinnuáætlana sem framkvæmdastjórnin hefur samþykkt í samræmi við 36. gr. reglugerðar Evrópuþingsins og ráðsins (ESB) nr. 652/2014 ⁽³⁾.
- 5) Í 95. gr. reglugerðar (ESB) 2017/625 er þess krafist að tilnefning tilvísunarmiðstöðvar Evrópusambandsins fyrir velferð dýra sé til takmarkaðs tíma eða endurskoðuð reglulega. Því ætti að endurskoða tilnefningu tilvísunarmiðstöðvar Evrópusambandsins fyrir velferð dýra fyrir alifugla og önnur lítil húsdýr á fimm ára fresti.
- 6) Gefa ætti tilnefndri tilvísunarmiðstöð Evrópusambandsins fyrir velferð dýra fyrir alifugla og önnur lítil húsdýr nægan tíma til að undirbúa vinnuáætlun sína fyrir næsta fjárhagsáætlunartímabil. Því ætti þessi reglugerð að koma til framkvæmda frá og með 1. janúar 2020.

SAMÞYKKT REGLUGERÐ ÞESSA:

1. gr.

1. Eftirtalin samtök skulu tilnefnd sem tilvísunarmiðstöð Evrópusambandsins fyrir velferð dýra sem ber ábyrgð á stuðningi við þverlæga starfsemi framkvæmdastjórnarinnar og aðildarríkjanna á sviði velferðar dýra fyrir alifugla og önnur lítil húsdýr:

Heiti: Samtök sem Agence Nationale de Sécurité Sanitaire de l'Alimentation (Frakkland) leiðir og sem samanstanda einnig af Institut de Recerca I Tecnologia Agroalimentàries (Spánn), Aarhus Universitet – Institut for Husdyrvidenskab (Danmörk) og Istituto Zooprofilattico Sperimentale della Lombardia e dell'Emilia Romagna (Ítalía)

Heimilisfang: 14 rue Pierre et Marie Curie
94701 Maisons-Alfort Cedex
FRAKKLAND

2. Tilnefningin skal endurskoðuð á fimm ára fresti frá þeim degi sem þessi reglugerð kemur til framkvæmda.

2. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Hún kemur til framkvæmda frá og með 1. janúar 2020.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 4. október 2019.

Fyrir hönd framkvæmdastjórnarinnar,

Jean-Claude JUNCKER

forseti.

⁽³⁾ Reglugerð Evrópuþingsins og ráðsins (ESB) nr. 652/2014 frá 15. maí 2014 um ákvæði um stjórnun útgjalda er varða matvælaferlið, heilbrigði dýra og velferð dýra og sem varða plöntuheilbrigði og fjölgunarefni plantna, um breytingu á tilskipunum ráðsins 98/56/EB, 2000/29/EB og 2008/90/EB, reglugerðum Evrópuþingsins og ráðsins (EB) nr. 178/2002, (EB) nr. 882/2004 og (EB) nr. 396/2005, tilskipun Evrópuþingsins og ráðsins 2009/128/EB og reglugerð Evrópuþingsins og ráðsins (EB) nr. 1107/2009 og niðurfellingu á ákvörðunum ráðsins 66/399/EBE, 76/894/EBE og 2009/470/EB (Stjtið. ESB L 189, 27.6.2014, bls. 1).